

Broj: 03-02-775/2015
Sarajevo, 26.07.2022. godine

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primljen	26 -07- 2022		
Org. je	Priloga	Vrijednost	
01,02 - 02 -	1264	116	

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući

VRLO HITNO

- Dom naroda -
gosp. Tomislav Martinović, predsjedavajući *w*

PREDMET: Veza naš akt broj: 03-02-775/2015 od 14.07.2017. godine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **u prilogu Vam dostavljam AMANDMANE VLADE FEDERACIJE BOSNE I HERCEGOVINE NA PRIJEDLOG ZAKONA O ŠUMAMA**, koje je utvrdila Vlada Federacije Bosne i Hercegovine na 265. hitnoj sjednici, održanoj 25.07.2022. godine.

Amandmani Vlade Federacije Bosne i Hercegovine postaju sastavni dio Prijedloga zakona o šumama, koji sam u parlamentarnu proceduru, radi razmatranja i usvajanja, dostavio aktom broj: 03-02-775/2015 od 14.07.2017. godine.

Amandmani se dostavljaju na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



PREMIJER
Fadi Novalić

Prilog: kao u tekstu na bosanskom jeziku

Cc: Federalno ministarstvo poljoprivrede, vodoprivrede i šumarstva
gosp. Šemsudin Dedić, ministar



BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. stav (4) Poslovnika o radu Vlade Federacije Bosne i Hercegovine – Prečišćeni tekst (“Službene novine Federacije BiH”, br. 6/10, 37/10, 62/10, 39/20 i 67/21), Vlada Federacije Bosne i Hercegovine je na 265. hitnoj sjednici, održanoj 25.07.2022. godine, utvrdila

**AMANDMANE
NA PRIJEDLOG ZAKONA O ŠUMAMA**

AMANDMAN I

U članu 3. stav (2) na početku rečenice riječ „Šumom“ zamjenjuje se riječima „Šumskim zemljištem“.

OBRAZLOŽENJE

U ovom slučaju pojam „šumsko zemljište“ je precizniji te ga je potrebno uvrstiti umjesto pojma „šuma“.

AMANDMAN II

U članu 6. stav (5) broj “20” zamjenjuje se brojem „30“.

OBRAZLOŽENJE

Period od 20 godina je kratak period da bi došlo do promjena u biološkom smislu.

AMANDMAN III

U članu 7. u stavu (1) riječ “deset” zamjenjuje se brojem „30“, a na kraju rečenice iza riječi “kantona” dodaju se riječi “sa mogućnošću njegove revizije u skladu sa dinamikom realizacije izvedbenog dijela”.

OBRAZLOŽENJE

Period od 10 godina je kratak period da bi došlo do promjena u biološkom smislu.

AMANDMAN IV

U članu 10. stav (4) mijenja se i glasi: “Ukupan obim sječa predviđen šumskoprivrednom osnovom za uređajni period, po vrstama drveća, gazdinskim klasama i gospodarskim jedinicama, nije dozvoljeno prekoračiti. Od ukupno planirane količine sječe za uređajni period, u okviru šumskoprivrednog područja, po gazdinskim klasama godišnje se realizuje prosječna godišnja količina sa dozvoljenim odstupanjem u visini relativne greške procjene zapreminskog prirasta. Korisnik šuma dužan je u prvoj godini uređajnog perioda izraditi i usvojiti plan sječa po odjelima za cijeli uređajni period”.

